

Tup hoi ηaiye Pol nainge nal me Timoti

Timoti ka ende wah bongol ηaiye ka tu e miye wah bwore tikin Got

¹ Nam Pol, aposel tikin Krai Jisas. Got si nalanatme nam ta e aposel ende gande nasande kikitin, ηaiye ma mini lenge miye tuweinge lalme gunde wusyep, ηaiye kin si nupwai e nange ka angange el lenge miye tuweinge, ηaiye ηoihmbwaip tinge teņeime Jisas Krai ηaiye ka yurp bwore nye nyermbe.

² Timoti, nin talah ηoihmbwaip nam supule. Got Yai topo e Lahmborengē poi Krai Jisas ka ηoih mi mi me nin, topo e ηoihginirme nin pe, ka yule ηoihmbwaip ηumwaiye.

Yukur ya hi me wusyep mise ηaiye sai tup

³ Nye nyermbe nam manange wusyep hriphrip malme Got me nin. Nam mende wah Got gwande ηoihmbwaip bwore prihe mi supule ta e lenge lounwah nam ηaiye yende.

⁴ Nam ηoiheryembe bepinip, ηaiye nin nilil, ηupe ηaiye nin nasme nam pe, nam masande tikin ηaiye ma meteke nin. Luku pe, ka ende nam ma hriphrip supule.

⁵ Nam sisysteme nange ηoihmbwaip nin teņeime Krai supule. Ki ηahilyeh ta e ka nin Lois hindi mam nin Yunis, ηaiye somohon ηoihmbwaip tinge

tejeime. Pe nam noihmeryembe nange noihmbwaip nin teter tejei bongol ta e luku.

Pol nanange wusyep nende bongolme Timoti

⁶ Tehei ta e luku ti, nam de ma mininge wusyep mahra e noihmbwaip nin, naiye na embepteme yitini, naiye Got yale nupe naiye nam mikil syep ma manah nondoh nin. Pe wah nin ka tuhur embere tu e miye naiye nunduhur e nih no, ki riri.

⁷ Detale, Yohe Yirise naiye Got pwal poi pe, yukur ki yipihinge, naiye ka ende poi ya hi gwirnge, pakai! Kin Yipihinge tikin, naiye nende bongolme noihmbwaip poi, topo e kin nungwisme poi, naiye ya mende niharar lenge mitinj. Topo e kin nungwisme poi, naiye ya bepmeteme marp potopoi bworerme.

⁸ Ta e luku pe, yukur na hi e, naiye na ininge alanjatme wusyep mise tikin Lahmborenge poi el lenge miye tuweinge lalme. Topo e yukur na hi e me nam, naiye nam marp moto mwahupwai e, na pakai! Detale, noihmbwaip nam tejeime Lahmborenge. Kut bongol naiye Got si yale liki pe, na ikirh mane otop nam, naiye ya berei malanjatme wusyep mise tikin Got naiye ka ungwis lenge miye tuweinge.

⁹ Got galme poi lenge miye tuweinge pe, kin nungwisme poi, naiye ya murp tu e lenge miye tuweinge holi bwore mise supule kitikin. Kin yukur noiheryembe wah mune bwore bwore, naiye poi mende, pakai. Topo e somohon naiye teter Got yukur nende nai e nai e pe, kin si gal poi gande nasande noihmbwaip kitikin. Got si noiheryembe na

ηoto wah tikin Krajs Jisas pe, kin pasam poi ηoih mi mi kin natme poi.

¹⁰ Kom ηaiye tukwini le e pe, Krajs Jisas, Miye ηaiye nungwisme poi lalme, si nate tas halhale mi e. Krajs Jisas si ηonombe bongol tikin nule, topo e ηoto wusyep bwore mise kin uku pe, kin ηende lenge miye tuweinge sisyeme laip bwore, ηaiye sai nye nyermbe.

Wah Pol ηaiye ka ininge alarjatme wusyep mise

¹¹ Got si nalarjatme ηam ta e aposel topo e jetmam ende, ηaiye ma mininge malarjatme wusyep bwore mise.

¹² Ta e luku pe, le e tehei kin, ηaiye ηam mamba e nihe syohme ηai e ηai e luku. Kom ηam yukur hi e. Detale, ηam si sisyeme lahmende luku, ηaiye ηoihmbwaip ηam teηeime, topo e ηam sisyeme nange kin tatame ka embepteme wah uku bworerme, ηaiye kin si nember gah syep ηam. Pe luku ka si bworerme el tutume ηup embere tikin Krajs, ηaiye ka ot.

Timoti topo e wusyep mise

¹³ Orpe gare wusyep mise, ηaiye ηam manange malarjatme malme nin. Luku ki sambe nin yarjah, ηaiye na gunde. Ta e luku pe, Krajs Jisas ka ungwisme nin, ηaiye na ende nihararme lenge mitin, topo e ηoiheryembe mise nin ka teηei bongolme Jisas.

¹⁴ Yohe Yirise narp ηoto poi pe, ka ungwisme nin, ηaiye na bepeteme wusyep mise, ηaiye Got si yale.

¹⁵ Nin si sisyeme nange lenge miye tuweinge lalme, ηaiye yarp provins Esia yaηa e teket me wusyep, ηaiye ηam mana lenge mi e pe, tinge si yal wohe yasme ηam. O Figelus hindi Hermogenes topo e si yasme ηam.

¹⁶ Nηam manange wusyep topo e Lahmborenge Jisas, ηaiye tatame ka ηoih mi mi me Onesiforus, topo e lenge bantihei kin. O ni wula wula Onesiforus ηende ηoihmbwaip ηam hriphrip. Topo e kin yukur hi e, ηaiye ηam marp mwahupwai e, pakai.

¹⁷ Ta e luku pe, ηupe ηaiye kin nat Rom pe, kin ηende wah nihe, ηaiye ηahai e ηam nal nal pe, kin ηeteke ηam.

¹⁸ Nηam manange wusyep topo e Lahmborenge, ηaiye ka ηoihginirme kin oto ηup tikin ηaiye Got ka ende wusyep kot. Nin si sisyeme, ηaiye Onesiforus ηende wah wula wula nungwisme ηam ηoto moi Efesus.

2

Timoti kin ka orp tu e kokorohtup ende tikin Krai Jisas

¹ O nin talah ηam pe, na orpe ηoih mi mi tikin Krai Jisas, ηaiye ka ende bongolme nin.

² Nin si ηasande wusyep uku, ηaiye ηam manange malaηatme gwan ηembep lenge miye tuweinge wula wula. Pe amba e wusyep ilyeh uku pe, na alaηatme el lenge miye tuweinge, ηaiye jan bongole wusyep tikin Got pe, tinge topo e ka plihe yalaηatme wusyep uku yil lenge mitiη sye .

³ Nin na orp kokorohtup bwore tikin Krai Jisas. Pe na ikih mane wah e e ηahilyeh tu e ηam.

⁴ Kokorohtup bwore yukur ka se plihe ende wah njoinde topo e, pakai. Njoihmbwaip bumbe kin pe, ka njoiheryembe, najiye ka ende wah kokorohtup bworerme no, miye ondoh kin ka hriphrip me kin.

⁵ Miye najiye gertetenge susungurh pe, yukur ka se yohe no, ka amba e yitini, najiye yukur kin gande wusyep ernjeme lalme tikin najiye jertetenge.

⁶ Miye najiye njende wah nihe, najiye njende wah worsyep naji pe, kin se ka miye njendehei, najiye ka talame naji, najiye ka sasarme.

⁷ Njoiheryembe wusyep mune najiye njam manange. Detale, Lahmborenge se ka ende njoihmbwaip nin se na sisyeme wusyep tehei, najiye wusyep lalme luku.

⁸ Na njoiheryembe Jisas Krai, najiye kin nule no, Got plihe njahra e kin. Kin loumwah tikin kinj Dewit. Luku wusyep bwore mise najiye njam manange malañatme.

⁹ Njam manange malañatme wusyep bwore mise ti, luku tehei najiye lenge miye pwale nihe syohe embere embere pupwa pe, tinge yember njam ya yoto mwahupwai e ta e miye pupwa. Kom yukur ka se yamba e wusyep tikin Got yember yi yoto mwahupwai e, pakai.

¹⁰ Ta e luku pe, njam tatame, najiye ma mamba e nihe syohe, najiye njam manange malañatme wusyep bwore mise malme lenge miye tuweinge lalme tikin Got, najiye kin si nalañatme. Pe Krai Jisas se ka ungwisme tinge, najiye ka yurp bwore yoto moi yirise tikin Got nye nyermbe.

¹¹ Wusyep e e ki bwore mise!

Njaiye njoihmbwaip telei poi si nule motop kin pe,

liki mindemboi se ya murp laip motop kin.

¹² Njaiye ya murp bongole no, ya mamba e nihe syohe pe,

liki se ya murp kin motop kin.

Kom najaiye ya maņa e teket me kin pe,

kin topo e se ka pul poi teket.

¹³ Njaiye poi yukur gwande wusyep kin pe,

kin se ka ende gunde tu e najaiye kin nanange ka ende.

Detale, Got yukur ka se owor e wusyep tupwai kin, pakai.

Miye wah najaiye kin bwore nal nembep tikin Got

¹⁴ Na plihe ini lenge miye tuweinge lalme me wusyep uku. Topo e na upwai e wusyep bongol ende otop tinge guh nembep tikin Got, nange yukur ka teketenge wusyep esep sikirp manai e ende, na pakai. Wusyep najaiye ta e luku yukur nungwisme lenge miye tuweinge. Ki nende yumbune lenge miye tuweinge, najaiye yisande wusyep uku.

¹⁵ Nin na ende wah nihe, najaiye na tu e miye wah bwore mise el nembep tikin Got. Pe yukur na hi e wah nin, najaiye na ininge alanjatme wusyep mise kin.

¹⁶ Yukur na ember mungwim, najaiye na usyunde wusyep tetehei pupwa, najaiye yukur gande noihmbwaip tikin Got. Wusyep najaiye ta e luku pe, se ka kete lenge miye tuweinge el wohme Got.

¹⁷ Wusyep uku, ki ta e sisyp yaih embere, najaiye nono nhip nanaip nenge nato mele e. Miye hoi, najaiye yanange wusyep ta e luku pe, Himeneus hindi Filetus.

¹⁸ Tinge yanange yalaɗatme wusyep nange Got si ɗahra e lenge miye tuweinge, ɗaiye si yule. Kom wusyep uku, ɗaiye tinge yalaɗatme pe, tinge yanange wusyep hombo e. Pe luku kin nupwai e ɗoiheryembe lenge miye tuweinge sye, ɗaiye ka yaɗa e teket yilme Krai.

¹⁹ Kom wusyep mise tikin Got pe, ki ɗononde ta e tumwange miye pe, yukur ɗainde ka se ondol me. Nanah tumwange miye luku pe, tinge yainge wusyep e e sai, “Lahmborenge kin sisysteme bworerme lenge miye tuweinge kitikin”, topo e “Lahmende miye lakai tuwei, ɗaiye yanange nange tinge tikin Lahmborenge pe, tinge ka yaɗa e teket me ɗaimune ɗaiye ki pupwa.”

²⁰ O nato yukoh embere ende tikin miye lowe pe, yukoh ɗai topo e marp tetehei sye tate. Sye tinge yenge gol topo e silwa yere. Sye tinge yenge lou yende, kut sye tinge yenge kekep yere. O marp yukoh sye pe, tinge yenge yende wah bwore. Kut sye pe, tinge yenge yende wah ɗoinde tikin. ²¹ Ta e luku pe, ki ɗahilyeh ta e lenge miye tuweinge, ɗaiye ɗoihmbwaip tinge tenjeime Lahmborenge. ɗaiye lahende ka osme ɗai e ɗai e tetehei pupwa pe, Got se ka amba e kin ember el, ɗaiye ka ende wah bwore. Kin ka orp miye holi bwore mise supule tikin Got pe, kin tatame ka ungwisme Lahmborenge kin. Topo e kin tatame ka ende wah tetehei ɗaiye bwore.

²² Ta e luku pe, nin Timoti na aɗa e teket me ɗai e ɗai e pupwa, ɗaiye ki tas ɗoihmbwaip lenge lahyambe. Nin na ende wah nihe, ɗaiye na amba e ɗoihmbwaip bwore, ɗaiye ka tenjeime Got, topo e

ɲoihmbwaiɲ ɲaiye na ende niharar lenge mitiɲ, topo e ɲoihmbwaiɲ bwore, ɲaiye narp ɲumwaiye. Nin na orp topo e lenge miye tuweinge bwore mi supule ɲaiye yanange wusyep yotop Got.

²³ Kut yukur na ininge wusyep teketenge topo e lenge mitiɲ, ɲaiye ɲondoh tinge si pupwa yehe. Nin sisyeme, wusyep ɲaiye ta e liki pe, ki nala ahra e tuhwar topo e yarmbe.

²⁴ Ta e luku pe, miye wah tikin Got yukur ka tuhwar topo e ka ormbe, na pakai. Kut ka bwore bwore me lenge mitiɲ lalme. Kin ka tu e jetmam bwore, ɲaiye narp ɲumwaiye.

²⁵ Ka syumbe mwai mwai ende ɲoihmbwaiɲ bwore me lenge miye tuweinge, ɲaiye yenge-lyembe wusyep. Ta e Got se ka ungwisme tinge pe, se ka yimbilme ɲoihmbwaiɲ, topo e se ka yamba e sisyeme wusyep mise bworerme.

²⁶ O Satan si nember mwah kin gah yaɲah man tinge pe, mwah kin si narpe tinge lalme. Kom ɲaiye ka sisyeme wusyep mise no, ɲoihmbwaiɲ tinge ka plihe owor tirtatar pe, ta e tinge se ka yesembele mwah tikin Satan yanga me.

3

Nup yuwo pe, lenge miye tuweinge ka yende ɲai e ɲai e tetehei pupwa

¹ Kom ɲam masande, ɲaiye na sisyeme tu e le e, sehei ɲaiye ɲup yuwo pe, lenge miye tuweinge ka yamba e nihe syohe embere embere pupwa.

² Lenge miye tuweinge ka yende nihararme tititinge, topo e yende nihararme wuhyau. Tinge ka yahra e naɲ tititinge pe, ka yende bwili e

bwula e, topo e ka tuhwar yininge ñilim yihyele lenge mitiñ. Tinge ka yengelyembe wusyep lenge yai mam tititinge, topo e yukur ka yininge wusyep hriphrip yil lenge miye tuweinge, ñaiye yende ñai e ñai e bwore yalme tinge. Tinge ka yaña e teket me ñai e ñai e bwore bwore tikin Got.

³ Tinge yukur ka sisyeme yañah, ñaiye ka yende ñemei topo e mitiñ sye. Tinge yukur sisyeme yañah, ñaiye ka yonombe tuhwar tinge. Tinge ka yini lenge ñilim wusyep yil lenge mitiñ sye. Tinge yukur ka yupwai e wahri tinge yenge si, ñaiye ñoihmbwaip tinge tahar nange ka yende ñaimune. Topo e tinge ka yurmbe yende yumbune lenge miye. Ta e luku pe, tinge ka yende yumbune ñaimune ñaiye ki bwore.

⁴ Tinge ka yende yumbune lenge ñemei tinge, topo e tinge ka junde ñoihmbwaip pupwa tititinge. Tinge ka ñoiheryembe tititinge pe, ka tengelyem yil umun pe, tinge ka yende nihararme ñai e ñai e tetehei pupwa, ñaiye hriphrip tikin kekep e e. Pe yukur ka yende nihararme Got.

⁵ Tinge ka yenge wahri wicher pakaiye pe, ka yende nihararme Got, kut yukur ka sisyeme bwor-erme bongol embere tikin ñoihmbwaip mise tikin Got. Nin na orp wohme lenge miye tuweinge, ñaiye ta e liki.

⁶ Lenge mitiñ, ñaiye ta e liki pe, tinge yahai e yañah, ñaiye ka yi yoto yokoh yininge wusyep mi mi yotop lenge tuweinge, ñaiye sehei e ñoihmbwaip bwore no, lenge tuweinge luku ka yurp tuwihme ñoihmbwaip tinge. Lenge tuweinge luku pe, tinge yende pupwa wula wula pe, tinge hi e, topo e ñoihmbwaip tinge tahar pe, ki kete lenge

na tas, ηaiye tinge yende ηai e ηai e tetehei sye .

⁷ Lenge tuweinge luku pe, tinge yisande, ηaiye ka yamba e sande teke e ηambaran me ηai e ηai e. Kom tinge yukur ka sisyeme ηaimune ηaiye bwore lakai pupwa.

⁸ Somohonme Janes hindi Jambres yende wachaih yalme Moses. Lenge jetmam hombo e le e plihe yende wachaih ηahilyeh yalme wusyep mise. Νοihmbwaip tinge si pupwa supule pe, ηoihmbwaip tinge yukur tejeime Got.

⁹ Kom ηoihmbwaip pupwa tinge luku yukur ka ende embere, pakai. Detale, lenge mitiη lalme se ka yeteke e ηaimune ηaiye tinge yende luku pupwa ta e kwite kwote. Ki ηahilyeh ta e Janes hindi Jambres ηaiye yende.

Timoti, na orpe gare wusyep tikin Got

¹⁰ Kut Timoti, nin narp ηotop ηam pe, nin sisyeme ηoihmbwaip topo e wusyep ηam, ηaiye ηam manange malaηatme mal lenge miye tuweinge gwande ηasande tikin Got. Nin si sisyeme ηoihmbwaip ηendehei ηam. Nin si ηeteke e ηoihmbwaip ηam, ηaiye tejeime Krai. Topo e ηam syumbe marp ηumwaiye. ηam mende nihararme lenge mitiη, topo e ηam marp bongol, ηaiye mikirh mane.

¹¹ Nin sisyeme ηai e ηai e pupwa, ηaiye lenge miye yende me ηam, topo e nihe syohe wula wula, ηaiye ηam mamba e manar Antiok, Aikoniam topo e Listra. Tinge yuwil e yember ηoihmbwaip nihe tinge yatme ηam. Kom Lahmborenge nungwisme ηam nihe syohe lalme luku.

¹² Mise supule, lenge miye tuweinge, ηaiye yala yurp topo e Krai Jisas no, ka junde ηoihmbwaip bwore bwarme tikin Got pe, lenge mitin sye se ka yende yumbune tinge.

¹³ O lenge miye pupwa, topo e lenge profet hombo e ka yende wah, ηaiye hombo e yaηaih lenge miye tuweinge yenge yil. O lenge miye tuweinge sye ka hombo e yisar e wih minjaume tititinge pe, tinge luku ka pupwa supule.

¹⁴ Kom ηaiye nin pe, orpe gare wusyep, ηaiye nin si ηasande pe, ηoihmbwaip nin teηeime. Nin si sisyeme lahmende miye tuweinge, ηaiye yalaηatme wusyep uku yalme nin.

¹⁵ Topo e nin ηoiheryembe el ηupe ηaiye teter nin lahmalah pe, nin si sisyeme tup, ηaiye wusyep mise tikin Got sai. Wusyep mise luku ki tatame, ηaiye ka yule sande teke e embere, topo e ηoihmbwaip nin ka teηeime Krai Jisas pe, Got se ka amba nin.

¹⁶ Yohe Yirise nangange sande teke e wusyep tikin Got lalme, ηaiye sai Tup tikin Got. Pe wusyep uku ki ηai bwore, ηaiye ka alaηatme poi miye tuweinge, ηaiye ya sisyeme ηaimune ηaiye ki bwore. Topo e ka uhyulme ηoihmbwaip pupwa poi ηaiye poi mende. Pe ka ende bongolme poi, topo e ka alaηatme poi ηaimune ηaiye ya mende pe, ka bwore bwarme.

¹⁷ Ta e luku pe, lenge miye tuweinge tikin Got ka yamba e sande teke e tutume ηaiye ka yende ηai e ηai e tetehei ηaiye bwore bwore.

4

Timoti ka bongol ηaiye ka ininge alaηatme

wusyep tikin Got

¹ Njupe ɲaiye Jisas Kraiŋ ka ota orp miye embep tu e kiŋ pe, ka ende wusyep kot iyar e ɲaimune ɲaiye lenge miye tuweinge teter yarp laip, topo e ɲaiye si yule no, tinge yende. Ta e luku pe, nal ɲembep tikin Got hindi Kraiŋ pe, ɲam manange wusyep bongol e e malme nin,

² ɲaiye na ininge alaŋatme wusyep kin uku. Nye nyermbe na ende wah nihe, ɲaiye na ininge alaŋatme wusyep tikin Kraiŋ elme lenge miye tuweinge, ɲaiye yende mi mi ka yusyunde wusyep, topo e lahmende ɲaiye jarŋge ka yisyunde wusyep. Na asamb lenge miye tuweinge ɲaimune ɲaiye tinge yende hwap. Topo e ininge wusyep bongol no, ka otohote ɲoihmbwaip tinge, ɲaiye tinge si yende pupwa. Kut na orp ɲumwaiye ininge wusyep bwore bwore, ɲaiye ka ende bongolme tinge.

³ Njupe ende ka ot, ɲaiye lenge miye tuweinge ka jirŋge, ɲaiye ka yusyunde wusyep, ɲaiye ki bwore mise. Kom tinge yala junde ɲasande tinge pe, ka yamba e lenge jetmam wula wula ka yalaŋatme wusyep, ɲaiye tinge yisande nange ka yusyunde.

⁴ Ta e luku pe, tinge ka bunjenge yaŋa e teket, ɲaiye ka yusyunde wusyep mise, kut ka yaŋa e ɲoihmbwaip bumbi tinge yilme wusyep hombo e lenge mwan ka tinge.

⁵ Kom ɲaiye nin pe, orp ɲumwaiye bepteme nitei bworerme, topo e prepwan ɲaiye na ɲoiheryembe ɲaimune ɲaiye ka otme nin. Ikiŋh mane topo e nihe syohe, ɲaiye nin nato. Nin miye wah tikin Got pe, ende wah nihe, ɲaiye na alaŋatme wusyep bwore

mise kin, topo e na ende wah lalme, ηaiye Got si nalanatme nin nange na ende.

Pol ηanange ηaiye sehei ka ole

⁶ Nup si nat sehei ηeteme sai, ηaiye ma mule tu e ofa milme Got. Topo e ηup si nat sehei mi e, ηaiye ma musme kekep e e.

⁷ Marmbe, ηaiye ηam marmbe pe, ki bwore. Nam si gwertetenge yanah sokoloh mat mi e pe, ηoihmbwaip ηam ki teηeime Got bongol supule.

⁸ O tukwini pe, yitini ηam, ηaiye ηam gwertetenge susungurh no, ηam yohe pe, ki ηanar topo me Got ηeseperhme ηam. Pe Lahmborenge bwore bwarme, ηaiye ka ende wusyep kot me lenge miye tuweinge lalme ηupe ηaiye ka ot pe, kin ka gilme ηam miye bwore bwarme pe, ka pule yitini luku. Kom yukur ηam ilyeh. Ka angange lenge mitiη, ηaiye yende niharar nange ka yeteke e kin ηupe ηaiye ka ot.

Timoti ka ot hihwai me Pol

⁹ Nin na ende wah nihe, ηaiye na ahai e yanah no, na otme ηam hihwaiye.

¹⁰ Demas ηende nihararme ηai e ηai e tetehei tikin kekep e e pe, kin si nasme ηam. Kin si nal moi Tesalonaika. O Kresens si nal provins Galesia, kut Taitus si nal distrik Dalmesia.

¹¹ Luk ηilyeh narp ηotop ηam. Nupe ηaiye na ot pe, amba e Mak enge ot topo e nin. Tehei kin ta e le e, kin miye bwore, ηaiye ka se ungwis ηam ende wah.

¹² O Tikikus, ηam si member kin mal Efesus.

4.10 2Ko 8.23, Gal 2.3, Kol 4.14, Tai 1.4, Flm 1.24 **4.11** Apo 12.12,25, 13.13, 15.37-39, Kol 4.10,14, Flm 1.24 **4.12** Apo 20.4, Efe 6.21-22, Kol 4.7-8

¹³ Njupe ηaiye na ot pe, amba e temhron mwate ηam, ηaiye ηam ηoihsipe ηanar yokoh tikin Karpus nal moi embere Troas, topo e na amba e tup ηam sye . O ηanah hla me tinge lalme luku pe, yukur na ηoihsipe tup sye , ηaiye tinge yenge yuwor hi yende.

¹⁴ Aleksander, miye ηaiye nenge bras ηende ηai e ηai e pe, ki pwale nihe syohe embere pupwa. Min-demboi Lahmborenge se ka ende yumbune kin tuwa e gunde ηaimune ηaiye kin ηende.

¹⁵ Nin topo e na ηoihme miye uku. Kin ηende wachaih embere me wusyep, ηaiye poi manange malaηatme.

¹⁶ Nendeheiyeh kin, ηaiye ηam gwan wusyep kot malme Sisa nal Rom pe, yukur lahende gan teket me ηam nungwis ηam wusyep. Lenge mitiη lalme si yasme ηam. Nam manange wusyep misilihme Got, ηaiye yukur ka ηoiheryembe ηaimune luku ηaiye tinge yende me ηam.

¹⁷ Kom Lahmborenge gan topo e ηam pe, kin pwale bongol, ηaiye ηam gwan manange malaηatme wusyep bwore mise lalme tikin Lahmborenge luku mal lenge haiten lalme, ηaiye ka yusyunde. Got kin nungwisme ηam pe, yukur ηam mule.

¹⁸ Ta e luku pe, Lahmborenge se ka ungwisme ηam, ηaiye tinge yala yende yumbune ηam. Pe ka amba e ηam enge el pe, ma murp bwore mi moto lemame kin, ηaiye sai moihla . Poi ya maηa e nan embere mirisukwarme kin nye nyermbe! Bwore mise.

¹⁹ Njam member n̄au bwore, topo e hriphrip n̄am malme Prisila hindi Akwila, topo e bantihei tikin Onesiforus.

²⁰ Erastus teter narp moi embere Korin. Kut Tropimus n̄ende wahri epwa pe, n̄am masme kin narp moi embere Miletus.

²¹ Nin na ende wah nihe, n̄aiye na ahai e yanah no, na ot yer. Na ende gwaingwaiye pe, na n̄oihme n̄aiye n̄up tikin yohe. O Yubulus hindi Pudens, topo e Linus hindi Klodia, topo e lenge tatai lenge miye tuweinge lalme, n̄aiye n̄oihmbwaip tinge teŋeime Lahmborenge, yember n̄au bwore tinge yalme nin.

²² Lahmborenge ka ende bongolme yipihinge bwore nin, topo e n̄oih mi mi tikin Got ka si topo e yip lalme.

Wusyep Bwore tikin Got
The New Testament in the Urat language of Papua New
Guinea

Nupela Testamen long tok ples Urat long Niugini

copyright © 2016 Wycliffe Bible Translators, Inc.

Language: Urat

Dialect: Yehre

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-12-22

PDF generated using Haiola and XeLaTeX on 18 Apr 2025 from source files dated 31 Aug 2023

b1232770-1b46-5621-8804-a5f6c65fee26